

*Na osnovu provedenog Otvorenog postupka za javnu nabavku usluga- nabavka usluga banke za dugoročno kreditiranje za refinansiranje obaveza i kapitalne investicije objavljenog na Portalu javnih nabavki BiH, broj Obavještenja 775-1-2-64-3-12/19 od 06.03.2019. godine, Zapisnika o pregledu i ocjeni ponuda broj 0602-931-14/19 od 27.03.2019. godine, prihvaćene ponude dobavljača broj LC-69/19 od 25.03.2019. godine i Odluke Kreditnog odbora INTESA SANPAOLO BANKA d.d. BOSNA I HERCEGOVINA broj: KO-17-3.14./19 od 23.04.2019. godine,*

**INTESA SANPAOLO BANKA d.d. BOSNA I HERCEGOVINA**, ul.Obala Kulina bana 9 A Sarajevo (u daljem tekstu: **Banka**) koju zastupa izvršni direktor Sektora poslova sa pravnim licima i SME, Alek Bakalović i pomoćnik direktora Direkcije za multinacionalna, domaća preduzeća i institucionalne klijente, Ana Dujić-Divković

i

**Kantonalno javno komunalno preduzeće za sahrane i upravljanje grobljem "POKOP" d.o.o. Sarajevo**, JIB 4200119040004, ul. Mula Mustafe Bašeskije broj 38, Sarajevo, Sarajevo- Stari grad (u daljem tekstu: **Korisnik kredita**), kojeg zastupa direktor Goran Cerić, JMB1203955173521 i izvršni direktor Asmir Hodžić, JMB0409965174147

(zajednički naziv: **Ugovorne strane**)

dana 10.06.2019. godine, zaključuju

**UGOVOR**  
**o kreditu broj: 220999/19**

**Član 1.**

**PREDMET**

1.1. Ugovorne strane su saglasne da se ovim Ugovorom regulišu međusobni odnosi ugovornih strana nastali povodom odobrenog kredita Korisniku kredita od strane Banke.

**Član 2.**

**VRSTA PLASMANA I IZNOS**

2.1. Banka odobrava Korisniku kredita plasman- dugoročni kredit u iznosu od:

**KM 1.200.000,00**

**slovima: (jedanmiliondvijestotinehiljadakonvertibilnihmaraka)**

što odgovara iznosu od

**EUR 613.550,26**

**slovima: (šeststotinatrinaesthiljadapetstotina pedeseteura i 26/100),**

prema srednjem kursu CBBIH na dan zaključenja ovog Ugovora.

Korisnik kredita se obavezuje da povrat kredita vrši u 36 (tridesetšest) mjesečnih anuiteta, a prema dinamici utvrđenoj otplatnim planom koji je sastavni dio ovog Ugovora.

Izvor sredstava: iz sredstava INTESA SANPAOLO BANKE d.d.

### Član 3.

#### **NAMJENA**

3.1. Kredit iz člana 2. ovog Ugovora se odobrava radi refinansiranje obaveza i kapitalne investicije i to:

- 1) refinansiranje obaveza
- 2) finansiranje kapitalnih investicija:
  - a) proširenje parkinga na groblju Vlakovo
  - b) izgradnja krematorija.

Sredstva kredita će se usmjeravati na račun Korisnika kredita u Banci, te će ih dalje Korisnik kredita usmjeravati za refinansiranje obaveza i finansiranje kapitalne investicije iz prethodnog stava.

Korisnik kredita se obavezuje da će se dio sredstava puštenog kredita iskoristiti za zatvaranje kredita u drugoj banci, uz obavezu dostavljanja dokaza banci o zatvaranju kreditne partije u drugoj banci u roku od 5 dana od dana zatvaranja.

Korisnik kredita se obavezuje da će polugodišnje vršiti pravdanje utroška sredstava za investicijske projekte dostavljanjem faktura/ profaktura.

### Član 4.

#### **ROK**

4.1. Kredit iz člana 2. ovog Ugovora se odobrava na rok od 36 (tridesetšest) mjeseci od dana prvog puštanja sredstava u opticaj, bez grace perioda, što je ujedno i krajni rok dospjeća istog.

### Član 5.

#### **STAVLJANJE SREDSTAVA NA RASPOLAGANJE**

5.1. Banka se obavezuje da Korisniku kredita stavi na raspolaganje plasman u roku od 3 (tri) radna dana nakon ispunjenja uslova iz člana 8. i 10. ovog Ugovora.

Uslov za puštanje kredita je izmirenje dospjelih obaveza Korisnika kredita i povezanih lica (Grupe) u Banci.

5.2. Korisnik kredita se obavezuje da u roku od 15 dana od dana potpisa ovog Ugovora, započne sa korištenjem kredita.

5.3. Korisnik kredita se obavezuje da u roku od 15 (petnaest) dana od dana potpisa ovog Ugovora, iskoristi raspoloživi iznos kredita.

### Član 6.

#### **ISPLATA I OTPLATA NOVČANIH SREDSTAVA**

6.1. Iznos kredita iz člana 2. ovog Ugovora Banka će prenijeti na račun Korisnika kredita na način i prema instrukcijama koje isti naznači u svom zahtjevu za prenos sredstava.

6.2. Korisnik kredita se obavezuje da će u skladu sa odredbama ovog Ugovora, vršiti redovnu i pravovremenu otplatu odobrenog kredita uplatom mjesečnih anuiteta.

6.3. Mjesečni anuiteti se uplaćuju na račun Banke broj: 154-0010000019-10 sa naznakom broja kredita.

6.4. Kao otplaćeni mjesečni anuiteti smatraju se samo oni anuiteti koji su izvršeni na račun Banke uz naznaku Korisnika kredita i broja kredita.

6.5. Banka ne odgovara za tačnost knjiženja prispjelih uplata, niti će snositi bilo kakve troškove po ovom osnovu, ake se iste zbog nepotpunih ili netačnih podataka iz prethodnog stava ne mogu pravilno knjižiti na analitički račun Korisnika kredita.

## Član 7.

### KAMATA

7.1. Za korištenje sredstava kredita iz člana 2. ovog Ugovora Korisnik kredita će Banci platiti nominalnu kamatu po stopi 2,95% fiksna na godišnjem nivou na iznos iskorištenih sredstava.

7.2. Nominalna kamatna stopa je fiksna i neće se mijenjati za vrijeme trajanja ovog Ugovora.

7.3. Na dan sklapanja ovog Ugovora, efektivna kamatna stopa (u daljem tekstu: EKS) iznosi 3,15% (slovima: trizarezpetnaestposto) godišnje i ista se može eventualno promijeniti prilikom isplate kredita (na dan isplate kredita). O promjeni visine EKS-a na dan isplate kredita Korisnik kredita će se sa EKS-om upoznati putem otplatnog plana kredita koji je sastavni dio ovog Ugovora.

Ukoliko dođe do promjene elemenata na osnovu kojih se obračunava visina EKS-a, Banka je dužna o toj promjeni pismeno obavijestiti Korisnika kredita i to prije početka primjene promjenjenog EKS-a.

7.4. Obračun kamate se vrši mjesečno i o dospelosti po linearnoj metodi (30/360).

7.5. Kamata je sadržana u anuitetu i dospijeva zajedno sa anuitetom.

7.6. Na dospjele, nepodmirene obaveze iz ovog Ugovora, osim u mjeri u kojoj je to spriječeno zakonskim propisima, potpisnici ovog Ugovora su saglasni da Banka ima pravo da za razdoblje zakašnjenja ispunjenja obaveza po ovom Ugovoru obračunava i naplaćuje zateznu kamatu (kamatu po dospjeću) u visini od 12 % na godišnjem nivou, a ista je promjenjiva u skladu sa Zakonom o visini stope zatezne kamate.

7.7. Ugovorne strane saglasno i nedvosmisleno izjavljuju da je Korisnik kredita upoznat sa uvjetima kredita i efektivnom kamatnom stopom (EKS) te da je Korisniku kredita uručen otplatni plan s jasno iskazanom efektivnom kamatnom stopom, što sklapanjem ovog Ugovora i potvrđuju.

Banka se obavezuje da će sve podatke o kreditu i o obračunu efektivne kamatne stope (EKS) pismeno dostaviti Korisniku kredita na njegov zahtjev. U slučaju promjene efektivne kamatne stope zbog promjene elemenata na osnovu kojih se obračunava, Banka je dužna o toj promjeni pismeno obavijestiti Korisnika kredita i to prije početka primjene promjenjene efektivne kamatne stope.

## Član 8.

### NAKNADE

8.1. Ugovorne strane su saglasne da je Korisnik kredita dužan platiti Banci naknadu za obradu kredita 0,25% jednokratno, unaprijed, na ukupan iznos kredita, plativu u roku od 5 radnih dana od potpisa Ugovora o kreditu, odnosno prije puštanja kreditnih sredstava u opticaj ukoliko taj datum nastupi ranije.

8.2. Korisnik kredita će se teretiti za sve kursne razlike koje nastanu prilikom otplate kredita, kao i za troškove, sadašnje i buduće takse i poreze, naknade i druga zaduženja u vezi sa ovim Ugovorom, koji bi bili nametnuti od strane Bosne i Hercegovine ili Vlade Bosne i Hercegovine ili bilo koje ustanove, sudstva, agencije, političkog ogranka, poreskog, ili drugog tijela ili od bilo koje organizacije čiji je BiH član.

## Član 9.

### VALUTNA KLAUZULA

9.1. Korisnik kredita se obavezuje da će obaveze po ovom Ugovoru izvršavati u konvertibilnim markama (u daljnjem tekstu: KM) na dan dospjeća obaveze, odnosno prema otplatnom planu Banke.

9.2. U slučaju da u toku trajanja ovog Ugovora dođe do promjene valutnog odnosa (u daljnjem tekstu: kursa) između EUR i KM, Banka je ovlaštena da preostale obaveze Korisnika kredita u KM utvrdi, iskaže i dalje vodi u EUR valuti prema važećem srednjem kursu Centralne banke BiH (u daljnjem tekstu: CBBiH) na dan zaključenja ovog Ugovora, uključujući i izmjene i dopune.

9.3. Korisnik kredita se uslijed takve promjene obavezuje daljnju otplatu kredita vršiti u protuvrijednosti KM za utvrđenu obavezu u EUR, primjenjujući pri tom važeći prodajni kurs Banke za EUR na dan izvršenja pojedinačnih i/ili cjelokupne obaveze po ovom kreditu; odnosno prema novom važećem srednjem kursu CBBiH samo i isključivo ukoliko CBBiH ili druga za to nadležna institucija, u skladu sa tada važećim zakonskim propisima, Banci bude omogućila kupoprodaju EUR iz i za KM prema novom važećem srednjem kursu za ovaj valutni par.

## Član 10.

### **INSTRUMENTI OBEZBJEĐENJA PLASMANA**

10. Korisnik kredita se obavezuje da će kao sredstvo osiguranja naplate potraživanja Banke iz ovog Ugovora prije plasiranja kreditnih sredstava Banci obezbijediti slijedeća sredstva osiguranja:

10.1. 10 (deset) blanco mjenica, potpisanih od strane Korisnika kredita uz mjeničnu/e izjavu/e.

10.2. Za svaku iskorištenu mjenicu za naplatu dospjelih potraživanja po ugovoru Korisnik kredita se obavezuje u roku od 10 (deset) dana osigurati i dostaviti Banci nove mjenice i mjenične izjave.

10.3. Korisnik se obavezuje platiti sve troškove koji nastanu u vezi sa ispunjavanjem uslova navedenih u ovom Ugovoru.

## Član 11.

### **ZAPLJENJA I PRIJENOS SREDSTAVA NA RAČUNIMA**

11.1. Korisnik kredita je saglasan da, u slučaju neispunjenja obaveza po ovom Ugovoru, Banka može bez obaveze pokretanja sudskog ili bilo kojeg drugog postupka pred nadležnim organom i bez posebnog odobrenja ili naloga Korisnika kredita, zaplijeniti sva novčana sredstva Korisnika kredita na svim računima koje imaju otvorene kod Banke i izvršiti direktnu uplatu/e (prijenos) na račun Banke do potpunog namirenja potraživanja.

## Član 12.

### **OBAVEZNE POSEBNE KLAUZULE - OBAVEZE KORISNIKA KREDITA**

Korisnik kredita se obavezuje u svako vrijeme do potpunog izmirenja obaveza koje ima prema Banci na temelju ovog Ugovora da:

12.1. Korisnik kredita obavlja minimalnu razinu prometa preko računa u Banci.

12.2. Korisnik kredita se obavezuje u svako vrijeme do potpunog izmirenja obaveza koje imaju prema Banci na temelju Ugovora o kreditu da bez prethodnog pismenog odobrenja Banke neće mijenjati strukturu vlasništva, za vrijeme trajanja ovog Ugovora.

## Član 13.

### **OBAVEZNE OPŠTE KLAUZULE - OBAVEZE KORISNIKA KREDITA**

Korisnik kredita se obavezuje da u svako vrijeme do potpunog izmirenja obaveza koje imaju prema Banci na temelju ovog Ugovora o kreditu dostave Banci:

13.1. periodični monitoring izvještaj o poslovanju Korisnika kredita godišnje.

13.2. periodične obračune i završni račun u rokovima koji su zakonski određeni za predaju ovih dokumenta.

13.3. sve druge informacije koje Banka može tražiti u cilju praćenja poslovanja Korisnika kredita i predmetne investicije.

13.4. neophodne dokumente za potrebe otvaranja računa, te izvrše otvaranje KM i deviznog računa u Banci, prije puštanja kreditnih sredstava u opticaj.

13.5. Potpisan otplatni plan koji je sastavni dio Ugovora.

Korisnik kredita jamči i izjavljuje, obavezuje se, u svako vrijeme do potpunog izmirenja obaveza koje ima prema Banci na temelju ovog Ugovora o kreditu da:

13.6. neće samovoljno prestati da obavljaju registriranu djelatnost za vrijeme trajanja ovog Ugovora, te će u primjerenom roku uskladiti svoju djelatnost i pridržavati se važećih akata koji reguliraju navedenu oblast.

13.7. bez prethodnog pismenog odobrenja Banke neće na drugo lice prenijeti svoja prava i obaveze iz ovog Ugovora.

13.8. su financijski izvještaji, podaci o imovini, teretima na imovini, pravima i obavezama Korisnika kredita te povezanih društava, kao i drugi podaci i dokumentacija dostavljena Banci, cjeloviti, istiniti i ažurni.

**13.9.** su sve odluke, odobrenja ili saglasnosti koje su temeljem propisa ili akata potrebne za sklapanje i izvršenje ovog Ugovora, uključujući Odluke o zaduženju usvojene od strane ovlaštenih organa Korisnika kredita, da sve potrebne Odluke i ovlasti na strani Korisnika kredita postoje i u potpunosti su na snazi, te da Banka sklapa ovaj Ugovor oslanjajući se na njihove izjave i garancije, te pravovaljanu dokumentaciju, da imaju sva potrebna ovlaštenja i saglasnosti za sklapanje i izvršenje ovog Ugovora, te da je postupak koji prethodi sklapanju ovog Ugovora proveden u skladu sa zakonskim i podzakonskim propisima, te da nema materijalno značajnih promjena koje bi mogle negativno uticati na sposobnost Korisnika kredita da izvrši bilo koju od njegovih obaveza iz ili u vezi s ovim Ugovorom.

**13.10.** se protiv njega ne vode nikakvi postupci koji bi mogli utjecati na njihov posao i izmirenje preuzetih obaveza po ovom Ugovoru, te da će raditi u skladu sa važećim zakonima i propisima.

**13.11.** će po osnovu ovog Ugovora u cijelosti, postupati u skladu sa svim važećim zakonskim i podzakonskim propisima, te odlukama, uputama i drugim aktima nadležnih državnih, lokalnih i drugih tijela, koji se odnose na zaštitu okoliša i/ili zdravlje i zaštitu ljudi, zdravstvene i bezbjednosne regulative i standarde koji su na snazi u BiH, kao i s onima koji budu doneseni tokom trajanja ovog Ugovora.

**13.12.** će poštivati sve zakone i propise vezano za ekološke standarde, uključujući, ali ne ograničavajući se na Zakon o zaštiti okoliša/životne sredine, Zakon o zaštiti voda, Zakon o zaštiti prirode, Zakon o zaštiti zraka, Zakon o šumama, Zakon o prostornom uređenju/uređenju prostora, Zakon o koncesijama, Zakon o upravljanju otpadom, te sve ostale relevantne ekološke, zdravstvene i sigurnosne zakone na lokalnom, kantonalnom, entitetskom i državnom nivou, te da neće teretiti Banku za bilo kakve ekološke incidente nastale u slučaju nepoštivanja odredbi Ugovora o kreditu od strane Korisnika kredita.

**13.13.** daju pravo Banci da, za svo vrijeme trajanja ovog Ugovora, pristupa Centralnom registru kredita, a u svrhu praćenja izloženosti Korisnika kredita u drugim bankama.

**13.14.** će sve svoje obaveze prema Banci nastale po osnovu Ugovora o kreditu ispunjavati prije svih ostalih njegovih sadašnjih ili budućih obaveza prema eventualnim drugim povjeriocima, a najmanje u istom rangu sa njima.

**13.15.** da neće preduzimati nikakve radnje koje bi mogle ugroziti poziciju Banke u odnosu na dato obezbjeđenje i potpunu otplatu plasmana iz ovog Ugovora.

**13.16.** neće sklapati nikakve ugovore o upravljanju ili slične ugovore, koji bi bili osnov da bi poslovima ili aktivnostima Korisnika kredita upravljala bilo koja druga osoba.

**13.17.** neće mijenjati ili dopustiti promjene naravi svojeg sadašnjeg poslovanja ili aktivnosti ili mijenjati narav ili obuhvat Projekta koji je predmet finansiranja od strane Banke.

Korisnik kredita se obavezuje u svako vrijeme do potpunog izmirenja obaveza koje ima prema Banci na temelju ovog Ugovora o kreditu da omogući Banci:

**13.18.** da vrši kontrolu namjenskog korištenja plasmana.

**13.19.** pregled poslovnih knjiga i dokumenata radi utvrđivanja i kontrole kreditnih sposobnosti i namjenskog korištenja plasmana iz ovog Ugovora.

**13.20.** Pregled investicije kao predmeta finansiranja.

Korisnik kredita se obavezuje u svako vrijeme do potpunog izmirenja obaveza koje ima prema Banci na temelju ovog Ugovora o kreditu da blagovremeno obavijesti Banku, u razumnom roku od nastanka promjene:

**13.21.** o nastalim poremećajima u poslovanju i novčanim tokovima koji mogu uticati na sigurnost plasmana iz ovog Ugovora.

**13.22.** o svakoj promjeni adrese odnosno sjedišta, najkasnije u roku od 5 dana od dana nastanka promjene.

**13.23.** o nastalim statusnim promjenama, te o svim promjenama koje se upisuju u sudski registar, odnosno registar drugog nadležnog organa koje su od uticaja na diobu i prenos plasmana iz ovog Ugovora, u roku od tri radna dana od dana izvršene promjene.

**13.24.** na vlastitu inicijativu i bez odgode, o namjeri otuđenja, stjecanja ili opterećenja imovine, prava, obaveza, uključujući potencijalne poslove, ako bi takvim pravnim poslovima mogla biti ugrožena njihova sposobnost da uredno izvršavaju preuzete obaveze prema Banci.

## Član 14.

### **PRAVO BANKE NA KONTROLU I OTKAZ**

Banka ima pravo da:

**14.1.** Vršiti kontrolu namjenskog korištenja kredita iz člana 2. ovog Ugovora.

**14.2.** Banka ima pravo proglasiti ovaj kredit u cijelosti dospjelim te naplatiti isti odmah, bez obzira i neovisno od ugovorenih rokova dospijecha i ovaj Ugovor jednostrano raskinuti u slijedećim slučajevima:

- Da su dospjele obaveze prema banci po ovom plasmanu - kreditu (anuiteti i/ili naknade) neizmirene, u roku od 60 dana po dospelju najstarije neplaćene obaveze.
- U slučaju nenamjenskog korištenja plasmana - kredita iz ovog Ugovora
- Da je evidentirana blokada Korisnika kredita u Banci ili u drugim Bankama u kontinuitetu u periodu od 5 radnih dana
- Da nisu provedeni instrumenti osiguranja u predviđenim rokovima
- ukoliko Korisnik kredita ima nepodmireni dospjeli dug prema drugim kreditorima,
- ukoliko vlasnici izvrše promjenu vlasničke strukture bez saglasnosti Banke
- u slučaju otvaranja postupka stečaja ili likvidacije Korisnika kredita.

**14.3.** Raskid Ugovora Banka će učiniti putem pismene izjave.

**14.4.** Izjava o jednostranom raskidu Ugovora upućuje se Korisniku kredita preporučenom poštom s povratnicom na adrese navedene u ovom Ugovoru, odnosno na adresu koju je Korisnik kredita naknadno u pismenom obliku dostavio Banci kao adresu za prijem pošte.

**14.5.** Tako sačinjena izjava proizvodi pravne učinke momentom slanja iste poštom na adresu Korisnika kredita, bez obzira da li je ista uredno dostavljena Korisniku kredita, iz razloga koji se ne mogu staviti Banci u krivicu.

## Član 15.

### **PRIJEVREMENI POVRAT**

**15.1.** Korisnik kredita može otplatiti kredit u cijelosti ili djelomično i prije roka vraćanja kredita zajedno sa svim dospjelim iznosima kamata i drugim obavezama nastalim na temelju Ugovora o kreditu, uz pisanu neopozivu najavu Banci najmanje 15 radnih dana unaprijed i uz naknadu za prijevremenu otplatu.

**15.2.** Naknada za prijevremenu otplatu iznosi: 0,00% od iznosa koji se prijevremeno otplaćuje, bez obzira na iznos i datum povrata.

## Član 16.

### **TROŠKOVI**

**16.1.** Sve troškove povezane sa sklapanjem ovog Ugovora i ostvarivanjem prava Banke iz Ugovora putem realizacije sredstava osiguranja predviđenih članom 10. ovog Ugovora, kao i troškove prinudne naplate putem suda, što uključuje sve troškove (takse, sudske troškove, troškove zastupanja i sl.) snosi Korisnik kredita.

## Član 17.

### **SLANJE OBAVJEŠTENJA**

17.1. Ugovorne strane su saglasne da se sve međusobne obavijesti Ugovornih strana šalju u pisanom obliku i to na sljedeći način:

- za Korisnika kredita, na adresu naznačenu kao kontakt adresu na prvoj stranici ovog Ugovora odnosno na adresu koju je Korisnik kredita naknadno u pismenom obliku dostavio Banci kao adresu za prijem pošte;

- za Banku na adresu Banke naznačenu kao kontakt adresu na prvoj stranici ovog Ugovora.

#### **Član 18.**

##### **DOSTAVA PODATAKA**

18.1. Potpisom ovog Ugovora, Korisnik kredita daje Banci neopozivu saglasnost da poduzima sve radnje vezano za obradu njegovih osobnih/ličnih podataka iz ovog Ugovora, i to: ime i prezime, adresu i JMB, a sve u svrhu regulisanja ugovornog odnosa sa Bankom nastalog potpisivanjem ovog Ugovora.

Korisnik kredita svojim potpisom ovog Ugovora daje Banci saglasnost za obradu naprijed navedenih osobnih/ličnih podataka u periodu od zaključivanja ovog Ugovora do prestanka važenja istog po bilo kojem osnovu, odnosno do momenta ispunjenja svih njihovih ugovornih obaveza prema Banci.

Korisnik kredita posebice svojim potpisom daje saglasnost da Banka njihove lične/osobne podatke koji su prethodno navedeni dostavlja članicama grupe Intesa Sanpaolo/ Privredne Banke Zagreb unutar države i izvan iste u svrhu prikupljanja, spremanja/ arhiviranja i obrade istih u skladu sa pozitivnim propisima u BiH.

Banka će uvijek pružiti podatke državnim organima/tijelima vlasti poštujući osnove za otkrivanje ličnih podataka prema pozitivnim propisima u BiH.

Banka se obavezuje da će lične/osobne podatke svojih klijenata čuvati kao strogo povjerljive, te obrađivati a u skladu sa Zakonom o zaštiti ličnih podataka u BiH.

#### **Član 19.**

##### **POSLOVNA TAJNA**

19.1. Potpisom ovog Ugovora Korisnik kredita se obavezuje da će obezbijediti da on i njegovi uposlenici, sve podatke kojima imaju pristup odnosno koje saznaju u toku poslovne saradnje sa Bankom čuvaju kao povjerljive informacije i kao poslovnu tajnu, te se obavezuje da istu neće saopštavati trećim licima, tokom i nakon prestanka poslovne saradnje sa Bankom, izuzev ako je obavezan prema nalogu državnih organa.

#### **Član 20.**

##### **SPOROVI**

20.1. Ugovorne strane su saglasne da će eventualne sporove koji nastupe tokom realizacije ovog Ugovora nastojati da riješe sporazumno, a ukoliko to nije moguće, nadležan je Općinski Sud u Sarajevu.

#### **Član 21.**

##### **ZAVRŠNE ODREDBE**

21.1. Potpisom ovog Ugovora Korisnik kredita izjavljuje da je upoznat sa svim ugovornim odredbama i ukupnim troškovima Ugovora, u skladu sa zakonom.

21.2. Ugovorne strane su saglasne da se izmjene ovog Ugovora mogu sačinjavati isključivo u pismenoj formi, koja će predstavljati Aneks Ugovora.

21.3. Ovaj Ugovor je sačinjen u 7 (slovima: sedam) istovjetna/ih primjeraka od kojih 3 (slovima: tri) zadržava Banka, a Korisnik kredita 4 (slovima: četiri).

Svojeručnim potpisom na ovom Ugovoru potvrđujem/potvrđujemo da sam/smo mi dole potpisani upoznat/upoznati sa odredbama ovog Ugovora i iste neopozivo prihvatam/prihvatamo u cijelosti. Ujedno svojim potpisom izjavljujem/zjavljujemo da sam/smo saglasan/ saglasni da Izvod iz poslovnih knjiga Banke služi kao dokaz potraživanja Banke i predstavlja osnov na temelju kojeg Banka u postupku izvršenja pred nadležnim sudom može izvršiti prodaju instrumenata osiguranja navedenih u ovom Ugovoru, radi namirenja potraživanja Banke. Takođe svojeručnim potpisom dajem/dajemo saglasnost Banci preciziranu u članu 18. i 19. ovog Ugovora.


**KORISNIK KREDITA**


  
 \_\_\_\_\_  
 direktor Goran Cerić




  
 \_\_\_\_\_  
 izvršni direktor Asmir Hodžić

**BANKA**

  
 \_\_\_\_\_  
 Izvršni direktor Sektora poslova sa pravnim licima i SME, Alek Bakalović



  
 \_\_\_\_\_  
 Pomoćnik direktora Direkcije za multinacionalna, domaća preduzeća i institucionalne klijente, Ana Dujić-Divković

KANTONALNO JAVNO KOMUNALNO PREDUZEĆE  
 ZA SAHRANE I UPRAVLJANJE GROBLJEM  
 „POKOP” d.o.o. SARAJEVO

Primljeno: Sarajevo 10.08.2019

Org. jed.	Broj	Prilog	Vrijednost
01-	2209/2019		